

OPĆINSKI SUD U SARAJEVU, sa sjedištem u ulici Šenoina broj: 1. Sarajevo, ID broj: 4200878030005 (u daljem tekstu Korisnik) koga zastupa i predstavlja Predsjednik suda Janja Jovanović

i

„**Repubblica Media d.o.o. Sarajevo**“, sa sjedištem u ulici Bosanska, Sarajevo, broj: 12, ID broj: 4201882270009 (u daljnjem tekstu Pružatelj usluga) koga zastupa i predstavlja direktor : Lamija Letić.

na dan 08.03.2017. godine zaključuju:

U G O V O R **o nabavi usluga press clipping-a**

I. PREDMET UGOVORA

Član 1.

Predmet ovog Ugovora je pružanje usluga press clipping-a za potrebe Općinskog suda u Sarajevu, a prema dostavljenoj ponudi Pružatelja usluga broj: 007-002/2017 od 28.02.2017. godine, a koja je sastavni dio ovog Ugovora.

Član 2.

Korisnik naručuje predmetne usluge, a Pružatelj usluga prihvaća da vrši usluge iz čl. 1. i 6. ovog Ugovora za potrebe Korisnika, a na osnovu provedenog postupka javne nabave putem direktnog sporazuma broj: 065-0-SU-17-000418 i odluke Korisnika o dodjeli ugovora najpovoljnijem ponuđaču broj: 065-0-SU-17-000418 od 07.03.2017. godine.

Član 3.

Ugovorne strane su suglasne da su ključne riječi koje će se pratiti u okviru usluge press clipping sljedeće: Općinski sud u Sarajevu, Janja Jovanović, Sekretar Općinskog suda u Sarajevu, Portparol Općinskog suda u Sarajevu, Visoko sudsko i tužiteljsko vijeće, CMS - Case Management System, Kodifel, Pravosuđe, Novi zakon.

Član 4.

Ugovorne strane su se sporazumjele da pružanje usluga iz člana 1. ovog Ugovora obuhvaća sljedeće usluge po prihvaćenim cijenama sa uračunatim PDV-om: Praćenje medija i dostava Press Clippinga putem e-maila svakim danom najkasnije do 09:00 i na DVD-u najkasnije do 5. dana tekućeg mjeseca sa svim objavama tiskanih i elektronskih medija prethodnog mjeseca (obavezno u wmv formatu za TV priloge i mp3 ili wma formatu za radio priloge), usluge snimanja i vedeo produkcija promotivnih i informativnih video materijala u skladu sa tehničkom specifikacijom iz zahtjeva za dostavu ponuda.

Član 5.

Pružatelj usluga se obvezuje da će u skladu sa čl. 1. i 6. ovog Ugovora redovno pružati usluge Korisniku, kao i druge usluge u skladu sa potrebama i narudžbama iskazanim u bilo kojem obliku.

Član 6.

- (1) Pružatelj usluga se obvezuje pružiti usluge Ugovornom organu, propisanog kvaliteta, u ugovoreno vrijeme i prema zakonskoj regulativi iz oblasti predmetne nabave i to:
- (2) Kvalitet usluga Press Clippinga-a (kvalitet skeniranja članaka, prilozi tiskanih medija trebaju biti u pdf formatu, TV prilozi u wmv formatu, a radio prilozi u mp3 ili wma formatu);
- (3) Kvantitativna i kvalitativna analiza medijskih objava za grupu ključnih riječi Općinskog suda na mjesečnoj i kvartalnoj osnovi (moraju biti prilagođene standardima propisanim od strane međunarodnih stručnih tijela kao što su IPRA i PRSA).

II. OBRAČUN I NAČIN PLAĆANJA, REKLAMACIJE

Član 7.

Ukupna vrijednost cjelokupne usluge na godišnjem nivou iznosi 6.907,68 KM (slovima: šesttisućadevetstotinaisedammaraka i 68/100 KM) sa uključenim PDV-om i ugovorne snage su suglasne da će se plaćanje vršiti u jednakim mjesečnim iznosima od 492,00 KM bez PDV-a, odnosno 575,64 KM a PDV-om. Osnov za plaćanje isporučene usluge jesu mjesečne fakture koje Pružatelj dostavlja Korisniku, a nakon što su ovjerene od strane ovlaštenih lica, kao potvrda da su iste uredno obavljene. Plaćanje na ime pružene usluge naručilac je dužan vršiti isključivo putem JRT Kantona Sarajevo na račun Pružatelja broj: 1413065320037520 kod BBI banke i to u roku od 60 (šesdeset) dana od datuma ispostave mjesečne fakture.

Član 8.

Pružatelj usluga se obvezuje na nepromjenljivost ponuđenih cijena tokom cijelog ugovornog perioda te naknadne izmjene neće biti moguće.

Član 9.

(1) Pružatelj usluga se obvezuje da će usluge izvršiti u skladu sa zahtjevom Korisnika i da će odmah postupiti po eventualnim primjedbama, u pogledu nedostataka na ime kvaliteta izvršene nabave.

(2) Korisnik je dužan da Pružatelja usluga usmeno obavijesti o svakom eventualnom nedostatku. Po primitku usmene obavijesti, Pružatelj usluga je obavezan odmah, a najkasnije u roku do 2 (sata), izvesti sve aktivnosti koje su neophodne za otklanjanje propusta u smislu izvršene nabave.

III. TRAJANJE UGOVORA

Član 10.

(1) Ovaj Ugovor se zaključuje za ugovorni period do 12 (dvanaest) mjeseci od dana zaključivanja, a najkasnije do zaključivanja novog Ugovora sa najpovoljnijim ponuđačem za naredni period, a prestaje važiti nakon izvršenja djelimične ili potpune nabave iz čl. 1. i 6. ovog Ugovora i nepostupanja Pružatelja usluga po eventualnim primjedbama Korisnika u pogledu nedostataka vezanih za kvalitet usluge.

(2) Ukoliko, u naknadno ostavljenom roku od strane Korisnika, Pružatelj usluga ne postupi po eventualnim primjedbama na kvalitet i količinu izvršene usluge ili u slučaju neprofesionalnog ponašanja, Korisnik ima pravo na potpun raskid Ugovora prostom izjavom da raskida Ugovor, i to bez obveze poštivanja otkaznog roka, utvrđenog ovim Ugovorom.

Raskid Ugovora stupa na snagu danom dostave proste izjave Pružatelju usluga.

Član 11.

Pored obaveze poštivanja zakonskih propisa, ugovorne strane su suglasne da će čuvati poslovnu tajnost i pridržavati se poslovnih običaja.

IV. ZAVRŠNE ODREDBE

Član 12.

Eventualno nastale sporove pri realizaciji ovog Ugovora, ugovorne strane će rješavati sporazumno, u protivnom, ugovara se nadležnost Suda u Visokom.

Član 13.

Svaka od ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 14 .

Za sve što nije regulirano ovim Ugovorom, primjenjivat će se odredbe Zakona o obligacionim odnosima.

Član 15.

Ovaj Ugovor stupa na snagu danom potpisivanja obje ugovorne strane.

Član 16.

Ovaj Ugovor je načinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.

PRUŽATELJ USLUGE:

Direktor: Lamija Letić

KORISNIK:

Predsjednik suda:

JANJA JOVANOVIĆ

Broj: _____

Broj: 065-0-SU-17-000418